

*Ex Libris*





PROFESSOR J. S. WILL


R5546



Library  
of the  
University of Toronto







Digitized by the Internet Archive  
in 2011 with funding from  
University of Toronto





LES  
PROTESTA-  
TIONS DE LA  
VILLE DE PARIS  
faites au Roy sur son  
voyage.



A PARIS,  
Chez PIERRE BVRAY, à  
la rue Iudas.

---

M. DC. XV.

PROTESTA

TION OF

THE

THE

THE



THE

THE

THE

THE





LES

PROTESTATIONS

*de la ville de Paris faites  
au Roy sur son voyage.*

**V**N certain broüillon de  
l'Astrologie a assuré  
que les changemens des  
Republiques venoient du mou-  
vement excentricque de la terre.  
Platon plus veritablement du de-  
faut de l'armonie: mais en ce lieu  
disons que le son graue-ment  
doux que les peuples font enten-  
dre de leurs affections toutes di-

uerfes: mais qui viennent finir à vn ton bien accordant qui remplit nos oreilles d'une douce harmonie nous promettent vn repos perdurable vne felicité non peu durable: mais pareille à celle que nous iouïssions auant que la mort eut, comme enuieuse, rompu les cordes de nostre lyre, par le rauissement qu'elle fit d'Henry le Grand, & qui touchée d'un plectre si diuin, appaisoit ainsi que celle de Terpader, nos maux, remettoit à leur premier temperament nos humeurs. Iamais astre ne se veoid couronné sinon en mesme téps que l'air est muet tranquille & nullement noircy d'une obscurité grossie de nuages composees de vapeurs con-

fuses & broüillees, au moyen de-  
quoy il est capable de conseruer  
la ligne qui le ceint en apparen-  
ce de ronde clarté. C'est mainte-  
nant que la France se repose en  
ceste douce tranquillité: puis que  
Paris la capitale des villes, par sa  
constance & fidelité, recogneuë  
a seruy de modele & d'exemple  
sur lequel tout le reste du Royau-  
me se patrone.

Anciennemēt LVTECE, entre  
les Medalles de Iules Cesar, estoit  
toufiours figuree dans l'airin an-  
tique à teste garnye de places for-  
tes se soustenant sur vn globe, te-  
nant d'une main vn lauelot non  
oruillé au bout, mais tout pur &  
net: de l'autre vne corne d'Amal-  
thee qui profusement versoit son

abondance : ouy France , ouy  
 Grand Roy de France c'est Paris  
 qui est vostre espee, c'est le bou-  
 chier à sept cuirs de vostre deffence  
 la forteresse de la personne devo-  
 stre Majesté, & le rempart plus  
 assiné aux innondations plus à  
 craindre reposez vous Sire sur ce  
 globe si parfait qui faict gloire  
 aux yeux de tous les peuples du  
 monde des immenses richesses  
 desquelles heureusement elle a-  
 bonde depuis ceste douce tran-  
 quilité en laquelle le feu Roy  
 vostre Pere la ramence de l'in-  
 quietude de ses intestines esmo-  
 tions. Paris non plus Paris, sinon  
 en cherissant ce beau Soleil du  
 Louvre quil'ébellit de ses rayons  
 amoureux. Ayât aprins que leurs

Majestez sont en resolution en  
 peu de iours d'aller à Bordeaux,  
 la vertu auparauant assurer de sa  
 fidelite & de son obeissance, de son  
 amour & de son affection cōme  
 elle fera encore apres leurs pro-  
 mettant, qu'en leur absence il ny  
 aura dans la ville pratique aucu-  
 ne ny dessein mauuais qui puisse  
 en façon quelconque contrarier  
 au deuoir qui leur est deu par  
 tous bons & legitimes suiets  
 point de factions ny de factieux  
 quelle puisse apperceuoir au pre-  
 iudice de leur seruice, qui ne  
 soient des aussi-tost supprimez &  
 destruiets par les sages & exactes  
 recherches de ses fidelles Magi-  
 strats, point d'intention sinon  
 celle que tous les habitans d'icel-



le ont d'observer de point en point exactement & soigneusement leurs commandemens.

Paris la ville des Citez, la Roine des villes & l'abregé du monde qui depuis dix huit cens & tant d'annees a eu l'honneur d'estre le liét & le seiour de nos Roys. Paris le plus paisible domaine de la terre, l'amoureux verger des Princes & des nobles, l'escole des sçauans, le siege de iustice, ne s'entretient en sa felicité, que sous les Edits de son Roy, prend ses delices en luy obeyssant se repose en ses loix & s'honore en ses Magistrats: Paris rendu illustre & d'autant plus heureux qu'elle a esté de toute ancienneté choisie & reseruee pour les triumphes de nos Roys & Princesses.

Après



Princesses apres les ceremonies  
 de leur Sacre & Couronnement:  
 Paris seiour de saincteté & de de-  
 uotion, comme Paul Emille nō-  
 moit Rome, dōnoit anciēnemēt  
 en telles festes à nos Roynes vne  
 ceinture qui esgaloit tout le vail-  
 lant d'un pais, & les autres villes  
 de France vn present esgal à leur  
 puissance, & non à leur deuotion:  
 Paris, qui faisoit dire à l'Empe-  
 reur Charles cinquiesme que le  
 Roy des François eut esté assez  
 puissant quand il n'eut esté Roy  
 quē de Paris. Paris, qui reçoit  
 toute sa splendeur de la presence  
 du Roy, & de ceste venerable  
 Cōpagnie du Parlement, le pre-  
 mier Senat du monde (ordre le  
 plus iudicieux qui soit en l'vni-

uers) proteste maintenant de son  
 obéissance à leurs Maïestez, cōme  
 de tout temps elle a faict sur le  
 poinct que nos Roys vouloient  
 entreprendre quelque voyage  
 d'importāce, les assureāt qu'elle  
 n'a des hommes que pour leur  
 seruice, des forces que pour les  
 garantir de mal, des armes que  
 pour deffendre son party, & des  
 moyens & richesses que pour  
 dependre liberallement & d'une  
 pure volonté, où la necessité des  
 affaires de son Roy le requerrēt.  
 Aussi à elle mesme souuentefois  
 deliuré nos Roys du danger  
 sans autre exemple en l'an 1228.  
 plusieurs Comtes de Bretaigne  
 & de la Marise auoient affection  
 de gouverner iceux sous le Roy-

aumedefrâce, de sorte que fuiuis  
 & accõpaignez de plusieurs grands  
 seigneurs se leuerent, cõtre le  
 ieune Roy S. Loys, & disoient  
 que la Royne Blanche sa mere  
 ne deuoit auoir le gouuernemẽt  
 d'vne Monarchie si grande cõ-  
 me estoit le Royaume de France  
 & qu'il n'appartenoit nullement  
 aux femmes de regir & gouver-  
 ner les François: apres auoir de-  
 liberé plusieurs iours ensemblẽ-  
 ment, se mirent aux espies avec  
 grand nõbre de gens de guerre  
 pour essayer à prendre la person-  
 ne du ieune Roy qui s'en retour-  
 noit de Touraine à Paris. Le Roy  
 estant amené à Orleans on luy  
 rapporta que leldits Princes &  
 Seigneurs estoient sur les champs

avec force & puissance, & l'espioiër  
 en chemin pour le prendre, ce  
 qui le fit halter de s'auancer vers  
 Paris, & fit tant qu'estant arriué  
 près de Montlehery, ayant dere-  
 chef esté aduisé que les ennemis  
 estoient pres de là, n'osa se met-  
 tre en chemin pour passer outre,  
 craignant d'estre surpris, & de là  
 manda à la Royne Blanche sa  
 mere qu'elle luy enuoyast se-  
 cours de gens pour le conduire  
 & mener en toute assurance ius-  
 ques dans Paris: les Parisiens ad-  
 uertis de tout ce que dessus, eux  
 qui de tout temps outres les au-  
 tres peuples de France ont aymé  
 & affectionné leurs Roys, offrēt  
 leur seruice à la Royne, prote-  
 stent d'eux mesmes d'aller des-

gager le Roy, & promettent que  
sans aucune crainte de danger,  
& sans aucune chose de ses enne-  
mis ils l'ameneroiēt iusques dans  
Paris. La Royne accepte leur of-  
fre, loüe leur bonne affection, &  
promet que le Roy s'õ fils en au-  
ra memoire, sur se faiēt, il part de  
Paris vne leuee d'hõmes autant  
voire plus qu'il n'ẽ faudroit pour  
faire quelque nouuelle conquē-  
ste avec ceste grande multitude  
d'hõmes armez, venāt doncques  
au deuāt de son Roy le debarasse  
du soucy qu'il auoit de se desga-  
ger du milieu de ses ennemis, cõ-  
sole la Royne sur les trauerſes  
quelle ressentoit en l'ame des  
pieges que l'on dresloit à son  
fils: & font cēs braues Parisiens

qu'ils sortent de la ville quarante mille homme bien armez, frais & valleurusement encouragez au service de leur Prince, qu'avec la banniere desployee marcherent tousiours en bataille, régee iusques à Montfichery où estoit sa majesté : & quand les Princes entendirent venir & approcher si grande multitude, tous saisis de crainte & despouuante se retirerent bien habillement de là, & ces braues legions amenèrent leur Roy remplis de ioye & de gloire iusques dans Paris sans aucun danger: cest exemple se rapportent d'autant plus librement qu'il se sçait que sa Majesté l'aura pour agreable, puis qu'elle est descendue de ce-



ste Royale & tres-illustre branche de S. Loys, pour tesmoigner avec quel courage, cœur & affection, les Parisiens se sont tousiours offerts & s'offrent encore à present au seruice du Roy, qui prend à gré leur volonté, loüe leurs pures intentions & en faueur & recognoissance de ce, ainsi que les Roys ses predecesseurs & les Princes nez & obligez à son seruice, leur promet toute sorte de bien-veillance, que amour, amitié, & repos.

F I N.





